

Date – 15/10/2025
Time - 7:30 -7:40 Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. Chief Minister Pu Lalduhoma'n Champhai DC Office hmasawwna atana hmalakna hrang hrang nimin khan a hawng.
2. Mizoram Truck Drivers' Association chuan Mizoram chak lakna kawngpui Aizawl leh Silchar inkar kawng chu chak taka siam a nih theih nan Mizoram sorkar in nawr pui se an duh tih an sawi.
3. Prime Minister Narendra Modia chuan Mongolia border security force te tan cancapacity building program thar neih a ni dawn tih a puang.
4. Rajasthan-a khualzin phur bus kangah mi 10 an thi a, mi 14 in hlaim an tuar.

<><><>

CM

Chief Minister Pu Lalduhoma'n Champhai DC Office hmasawwna atana hmalakna hrang hrang nimin khan a hawng a, Champhai South bialtu Lt. Col. Clement Lalhmingthanga pawh a tel a ni.

Champhai DC Office hian, hmalakna hrang hrang duangin Civil service tlin tumte tana tanpuina leh kaihhruaina duang a, Hmeichhe zirlaite hnenah cycle leh sanitary pad hman nawn theih pek a ni ang a, Zirlai naupangte sap tawng zirtirna siamin, Livelihood Programme for Ngur VO - Sawhthing zaina leh tihrona pek an ni ang.

Hei bakah hian IAS leh IPS officer te'n zirlai naupang an kawm a, zirlai leh hna chungchangah kaih hruaina an pe ang a, Fai tak leh thianghlim taka Hnahsin Kut hman an inzirtir bawh ang.

Pu Lalduhoma chuan hetiang hmalakna ropui tak a awm thei hi ropui a tih thu sawiin Champhai Bawrhsap thawh thatna te a fakawm tih a sawi. Zirlai te leh hna zawng mek te tan lak a tul tawh tih a sawi a, hna hrang hrang laknaah te tling turin theihtawp chhuah turin fuih an ngai tih a sawi bawh. Sawrkarin sipaiah te, police-ah te leh hna hrang hrangah Mizo an awm chho a, an awm belh zel dan te pawh an ngaihtuah mek bawh tih a sawi a, he'ng hmalakna hrang hrang hian Champhai District tana danglamna tha a siam ngei theih nan duhsakna a hlan a, hmalakna hnuaia bungrua hrang hrang - ginger slicing machine te, cycle te leh thil dang a sem nghal a ni.

<><><>

CEO

Chief Electoral Officer Dr.Lalrozama chuan nimin khan Mamit tlawhin Dampa bial By-Election atana Nodal Officer-te meeting a neihpui a, Joint CEO Pi Ethel Rothangpuiin a tawiawm a ni.

Dr.Lalozama chuan Dampa Assembly bial By-Election hmachhawn tura inbuatsaihna hrang hrangte chu tha thawkhata a hriatthu sawiin, inthlanna felfai leh thianghlim tak nei tura Nodal Department hrang hrang te'n hma an lakna chu lawmawm a tih thu a sawi a, inthlanna felfai leh thianghlim tak neih chu Election Commission of India in min phut tlat a nih angin theihtawp chhuah zel turin a chah.

CEO hian strongroom tlawhin election a hmalakna tur hmun te a tlawh bawk a ni.

He inthlan atan hian Nodal Officer mi 14 ruat niin, chanvo hrang hrang inpek a ni a, inthlanna inbuatsaihna hrang hrangah kalpui chhoh mek a ni.

Dr. Lalrozama hian Political Party hrang hrang, NGO leh Mizoram People Forum (MPF) te inthlanna thianglim leh felfai a awm theih nan meeting a neihpui bawk a.

Dr. Lalrozama chuan inthlanna thianghlim leh felfai a awm theih nan Political Party, NGO leh MPF te thawhhona a pawimawh thu sawiin, langtlang taka inthlanna kalpui a nih theihna turin thawhpuih a sawm a, Model Code of Conduct(MCC) zawm a pawimawh thu leh Political Party hrang hrangte pawh ECI-in dan leh dun a zamte tha taka zawm chung a campaign kalpui tura chahin, NGO leh MPF te pawh Election Officials te tha tichaktu ni zel turin a chah bawk.

<><><>

HIGHWAY ROAD CONDITION

Mizoram Truck Drivers' Association Mizoram chak lakna kawngpui Aizawl leh Silchar inkar kawng chu chak taka siam a nih theih nan Mizoram sorkar in nawr pui se an duh tih an sawi.

Aizawl leh Silchar inkar kawngpui a chhiat nasat leh tawh avangin lirthei tangkhang a tam leh tawh hle a, nimin atang khan Kawnpui atanga Khamrang inkar kawng thawm that tan a ni a, Mizoram Truck Drivers' Association President Pu H Laldingliana chuan kawngchhiat avang hian kar 2 kalta atang khan lirthei tangkhang chu zan 3/zan 4 an riak tawh a ti a, nimin tlai thleng khan Khamrang peng thlang kawng chhia atanga Kawnpui bazar thleng bungraw phur truck an ding tawh a ti a, nimin lama truck ruak tangkhang zat pawh 500 an chuang tawh niin a sawi bawk.

Kawng siam tur hian thuneitute chu office lamah dawr reng mahse hmalakna liantham an hmu lo a ti a. JAC-in tun thla ni 19 thlenga kawng siam tura an nawr chu an ngaichang phawt ang a, hmalakna a awm loh chuan lirtheia eizawng pawl te chuan na zawka nawr an tum a ti a, he kawng hi chak taka siam a nih theih nan Mizoram sorkar chuan nawr pui se an duh tih a sawi bawk a ni.

Tunhnai ruahsur avanga Sairang leh Kawnpui inkar kawng siam that hi a chhiat leh nasat tawh em avangin kawng a nal hle a, truck ruak a kal hlei thei lova, nimin atang khan lirthei tangkhang a tam zual a, nimin zing dar 8 leh a chanve atang khan Assam leh Aizawl inkarah bungraw phur truck leh truck ruak pakhatmah tlan tir a ni lova, lirthei 700 chuang a tangkhang mek a ni.

Akashvani Aizawl zawhna chhangin ZPM Media General Secretary Pu Jonathan KJ Lalbiakngheta chuan kawngchhiat leh chhan hi lei nem vang nia an hriat thu sawiin, ruah a sur zawha lei nema bungraw phur truck rit tak tak tlan chuan kawng an rap chhe thin niin an hria a ti a, kawng thawm that nan lung vawm thin bawk mahse a chhe leh mai thin a ti a, rigid concrete pavement in a chhe zual lai siam chu an duh dan a nih rualin NHIDCL hnuaiah defect liability period ah a awm mek a, NH 306 kawng siam lailawk tur hian short term maintenance contract tender an chhuah tawh a ti a, tunhnaia ruahsur nasa avanga kawngchhe zual hi nimin atang khan NHIDCL leh PWD thawk hovin an siamtha leh mek tih a sawi a ni.

Hetihlai hian All NGO Mamit leh Commercial Vehicle Association, Mamit chuan Mamit kawngpui chu a chhiat em avang leh sawrkarin an ngaihthah avangin naktuk Ningani atangin Mamit panna kawngpui tiamchin awm lova dan an tum.

All NGO Mamit leh Commercial Vehicle Association, Mamit chuan nizan khan Siamliana Hall, Mamit-a Joint Meeting neiin an thuchhuah tarlan danin Mamit District chak lakna leh veivahna Motor kawngpui pawimawh Mamit atanga Aizawl panna kawng, Mamit leh Bairabi inkar leh Mamit leh Zawlnuam inkar kawngpui chu lirthei eng chi tan pawh kal hleih theih loh khawpa a chhia chu a rang thei ang bera siam tura Mizoram Sorkar an ngenna chu ni 12 thleng khan an ngaichang an ti a, Sorkar hmalakna mumal leh beisei anga hnathawh a awm loh avangin tiamchin awm lovin kawngpui dan an tum thu an sawi a ni.

<><><>

TOBACCO

Kum 1 kalta chhung khan Vaihhlo leh a kaihhnawih ti thin mi 6645 te ti tawh lo tura intiam an awm.

National Tobacco Control Programme (NTCP) National Health Mission hnuaia thawktute chuan MINECO-ah Dr Lily Chhakchhuak, Mission Director, National Health Mission hovin an hmalakna thlirhona leh intuaitharna hun an hmang a.

He hunah hian Mizoram chhunga zuk leh hmuam dona kawnga hmalakna hrang hrang te thlirho a ni a. Kohhran, tlawmngai pawl leh mipuiten zuk leh hmuam that lohzia an hriat belh zel bakah zuk leh hmuam tel lo nun intihhmuh chho zel ni a lang mek te, zuk leh hmuam tih loh hi changkanna leh hriselna a ni tih hria kan pung zel ni a lang te hi a lawmawm takzet thu sawi lan a ni a.

Chutih rual chuan hmasawn ngai tak tak te pawh an la awm ve bawk avangin tha thlah lova tan tlan zel a pawimawh zia uar takin sawi a ni. A bik takin mahni inchhung Atanga thalai naupang zawkte kan enkawl a, kan kaihhruai dan hian thui takin zuk leh hmuam leh ruihhlo tha lo laka venhimna

kawngah awmzia a nei theih avangin naupang thalai zawkte enkawl dan uluk lehzial turin an pawimawh zia sawilan a ni bawk.

Tun dinhmunah thalai naupang kum 13 atanga 15 inkar te zingah zuk leh hmuam ti hi zaa 58 lai an nih avangin thangthar naupang zawkten zuk leh hmuam leh ruihhlo an tih lohna tura theih tawp chhuah a pawimawh zia sawiin zuk leh hmuam sim duhte tan pawh District Hospital ah leh Mizoram State Cancer Institute, Zemabawkah te puihna (Tobacco Cessation Clinic) pan theih anih thu an sawi bawk.

Kum 2024 April Atanga March 2025 chhung khan Awareness Campaign Education Institutionah vawi 291, NGO leh Kohhran hrang hrangah vawi 62 neiin Training 40 an buatsaih a. Puipunna hmun hrang hranga Meizu leh zu lo enfiahna vawi 418 an nei bawk a ni. Vaihhlo leh a kaihhnawih ti thin mi 6645 te ti tawh lo tura intiam an awm bawk a ni.

<><><>

STI HUB

Ramchhunga tribal-te tihhmasawna tura Department of Science & Technology hnuaia din Science Technology & Innovation (STI) Hub chu nimin khan hawn a ni a, Minister Prof. Lalnilawma, Project Principal Investigator ni bawk chuan hawna hun hi a hmanpui.

He huna thusawitu, Mizoram University Vice Chancellor, Prof. Dibakar Chandra Deka chuan building tha ringawt hi project hlawhtlinna tehna a ni lova, a hlawhtlinna tak tak zawk chu a mamawh mipui hnena a thlen a nih thu a sawi. Mizoram University chu Amrita University nen an thawh dun vawi khatna a nih thu a sawi bakah hun lo la awm turah pawh thawh dun zel a that thu a sawi a ni.

STI Hub building hi cheng nuai 67h senga Mizoram University Campus, Aizawl leh Kawlri Tlang, Serchhipa sak niin, Mizoram University leh Amrita University, Kerala tangkawpin an enkawl a ni a. Project Office atan leh ei leh in hrisel siam chhuahna (Food Processing Laboratory) leh training pekna hmun atana hman tur a ni a. Programme hrang hrang pali - Digital Literacy & Adolescent Awareness Ambassador (DL&AAA), Ayurveda and Health, Food & Nutrition leh Agro-forestry hnuaiah Aizawl leh Serchhip District huamchhunga tribal te zirtir leh tihhmasawn hna an thawk a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

PM

Prime Minister Narendra Modia chuan Mongolia border security force te tan canpacity building program thar neih a ni dawn tih a puang. He hmalakna hi India leh Mongolia te thawhdunna tihchak lehzialna tur a ni tih sawiin Pu Modia chuan

India chuan Mongolia te tan free e-visas pek a remtih thu a sawi baw k a ni.

Prime Minister Narendra Modia leh Mongolia President Khurelsukh Ukhnaa te hi nimin khan New Delhi ah an inkawm a. He hunah hian ram pahnihten inremna thuthlung ziakin heng zingah hian mipui harsatna taw k mek puihna lamte, Mongolia-a hmunhlui vawnthat te, mihring pemkualna lama thawhhona te, leilung leh mineral tihhmasawn lama thawhdunna bakah digital thil inthleng tawn lamte a tel.

Hruaitu pahnihte hian India leh Mongolia inkara thawhdunnain kum 70 a tlin puala stamp siam an tlangzarh baw k a ni.

<><><>

RAJASTHAN BUS ACCIDENT

Rajasthan-a khualzin phur bus kangah mi 10 an thi a, mi 14 in hliam an tuar. Thudawn danin vandua ina hi Jodhpur highway-a Thaiyat hmunah a ni a. Hliam tuarte hi Jodhpur Medical college ah lak nghal an ni a. Bus kann a hmun hi Jaisalmer atanga km 20-a hlaah a ni a. District thuneitute chuan a hmunah chhawmdawl na leh chhanchhuah hna an thaw k nghal a. Chief Minister Bhajan Lal Sharma chuan chhiatna thleng chu paw i an tih thu an sawi.

<><><>